



KOMUNA E FUSHË-KOSOVËS

Nr. 30

Datë. 22.03.2005


Kuvendi Komunal në mbledhjen e mbajtur më datën 22.03.2005 pas shqyrtimit të propozimit nr.72 të datës 07.03.2005 paraqitur nga Bordi i Drejtorëve, bazuar në nenin 4.1 të Rregullores 2000/45 nenit 29.2 të Statutit Komunal mori:

V E N D I M

- I. Aprovohet - Rregullorja për menaxhimin dhe mirëmbajtjen e varrezave në Komunën e Fushë-Kosovës.
- II. Autorizohet Drejtorati për Shërbime Publike, Ambient dhe Rindërtim t'i inkorporojë vërejtjet e prezentuara nga anëtarët e Kuvendit në tekstin e ri.
- III. Obligohet Drejtorati për Shërbime Publike, Ambient dhe Rindërtim të mbikëqyrë zbatimin e kësaj Rregulloreje në përputhje me dispozitat ligjore në fuqi.
- IV. Ky vendimi hyn në fuqi, ditën e aprovimit, nga Kuvendi Komunal.

Akti i dorëzohet: Kryetarit të Komunës, Kryeshefit Ekzekutiv, UNMIK-ut, Drejtoratit për SHPAR dhe Arkivës.

Kryetari i Komunës


Skënder Zogaj



Komuna e Fushë-Kosovës/Skupstina Opstina Kosovo Polje

Drejtotati për Shërbime Publike ,Ambient dhe Rindërtim.

**RREGULLORE
PËR MENAXHIMIN E VORREZAVE**

Shkurt 2005
Fushë-Kosovë

I. KUSHTET E PËRGJITHSHME

Neni 1

Më këtë Rregullore përcaktohen kushtet e përgjithshme për ofrimin e shërbimeve të varrimit si dhe rregullimin dhe mirëmbajtjen e varrezave në teritorin e komunës së Fushë Kosovës .

Neni 2

Me shërbime të varrimit nënkuptojmë të gjitha punët që kanë të bëjnë me varrimin e personave të vdekur siq janë :

- leja për zhvarrimin e eshtrave të mbetur të personave të vdekur në varrin e caktuar
- leja për vendin e varrosjës
- transporti i personave të vdekur prej vendit ku mirret deri te vendi i varrimit
- hapja e varrit -vendosja , gjegjësisht mbulimi i varrit
- si dhe veprime tjera në lidhje me varrimin

Neni 3

*Varrimi mund të bëhet vetëm në varrin që është i lejuar dhe në përdorim (sipas radhës) .

Neni 4

Varrezat janë tokat të cilat janë përcaktuar për varrimin e personave të vdekur me Planin urbanistik komunal apo me vendim të Kuvendit komunal .

Neni 5

Punët e shërbimeve të varrimit i kryen Ndërmarrja komunale apo organizata të cilës Kuvendi komunal ia ka besuar këto shërbime .

Varrimin dhe mirëmbajtjen e varrezave nëpër fshatra e bën bashkësia lokale gjegjësisht komuniteti fetar i fshatit .

II . VARRIMI

Neni 6

Me varrim nënkuptojmë mbulimin e trupit të personit të vdekur (kufomës) apo eshtrave të personave të vdekur , gjegjësisht , vendosja e hirit të kufomës së djegur në thellësi të tokës së caktuar të varrezave .

Neni 7

Varrimi mund të bëhet pas konstatimit të vdekjes sipas rregullave të posaçme . Varrimi mund të bëhet së paku 24 orë pas vdekjes kurse ndërrmarrja për shërbimet e varrimit duhet të lajmërohet së paku 12 orë para varrimit .

Neni 8

Ndërrmarrja komunale është e obliguar që të sigurojë personelin për shërbime të varrimit për çdo ditë pune (si dhe ditëve tjera dhe gjatë ditëve festive) .

Neni 9

Varrimi i kufomës (eshtrave të mbetur) bëhet në varrezat e vendbanimit të personit të vdekur .

Varrimi i kufomës mund të bëhet edhe në vendin ku personi e ka rezervuar apo vendin ku dëshiron ta varrosë familja e të vdekurit .

Neni 10

Lejen për varrimin në varrin e caktuar e jep Ndërrmarrja komunale gjegjësisht bashkësia lokale (fetare) e fshatit nëpër fshatra .

Neni 11

Transportin e kufomës (eshtrave të mbetur) mund ta bën Ndërrmarrja komunale me automjetin special për këtë qëllim (nëse ka automjet) .

Transportin e kufomës (eshtrave të mbetur) nëpër fshatra e bën komuniteti fetar i fshatit (bashkësia lokale) .

Neni 12

Kufoma e personit të caktuar mund të ruhet në morg deri në kohën e varrimit nëse varrezat kanë morgun .

Kufoma deri në varrim , mund të ruhet edhe në xhami , kishë apo ndonjë objekt tjetër fetar , me lejen e bashkësisë fetare të komunitetit .

Neni 13

Kufoma e personit të caktuar, me leje të organeve komunale , mund të vendoset para varrimit në një vend të caktuar , për t'i shprehur nderimet ndaj të vdekurit .

Neni 14

Nderimet e fundit ndaj të vdekurit mund të shprehen në Sallën për përshëndetje (vendi i tubimit) apo pranë varrit të tij .
Gjatë varrimit mund të kryhen ceremonitë fetare që janë në pajtim me rregullat e komunitetit fetar .

Neni 15

Djegëja e eshtrave të kufomës bëhet vetëm në krematorium .
Djegëja e eshtrave të kufomës bëhet vetëm nëse i vdekuri gjatë jetës , ka shprehë dëshirën që kufoma e tij të digjet .
Djegëja e kufomës që ka vdekur në mënyrë jo të natyrshme , mund të bëhet vetëm me lejen e organeve gjyqësore .

Neni 16

Hiri i kufomës së djegur duhet të vendoset në enë prej materialit të qendrueshëm dhe të mbyllur hermetikisht, pastaj mbulohet në varrin e caktuar .

Neni 17

Eshtrat e mbetur të kufomës mund të zhvarrosen dhe të barten edhe në varrin tjetër , me lejen kompetente të organeve përgjegjëse dhe me lejen e inspeksionit sanitar .

III . VARREZAT

1. Hapja (ndërtimi) i varrezës

Neni 18

Çdo vendbanim i banuar mund të ketë varreza .
Dy ose më shumë vendbanime mund të kanë varreza të përbashkëta .

Neni 19

Varrezat që janë në funksion duhet të kanë :

- objektet për shërbime të varrimit (morgu , personeli , shitorët etj)
- hyrje –daljet e rrugëve
- hapsira për përcaktimin e vendeve të varrimit sipas mundësive edhe vendi ku punohen arkivolet dhe përmendoret .
- infrastruktura e nevojshme
- rrethoja e varrezave

2. Përcaktimi dhe vendimi për ndalimin e varrezave

Neni 20

Kuvendi komunal merr vendim që varrezat të mbeten jashtëpërdorimit apo të ndalohet varrimi i kufomave në varreza .

Tokat e varrezave të shpallura jashtëpërdorimit , mund të përdoren për qëllime tjera me vendim të Kuvendit komunal dhe konform Planit urbanistik .

Neni 21

Organi mbikqyrës apo Ndërrmarrja komunale mund t'a ndalojë varrimin e kufomave në një pjesë të caktuar , nëse konstatohet se nuk ka vend të mjaftueshëm .

3. Shfrytëzimi i vendeve të varrimit

Neni 22

Hapsira që shfrytëzohet për varre ndahet në parcela , brenda të cilave gjinden vendet për varre .

Neni 23

Varri është vendi ku vendoset kufoma (eshtrat e mbetur) të personit të vdekur .

Neni 24

Për rezervimin e varrit , vendosjen e përmendorës dhe shërbimet e varrimit në lidhje me varrimin apo eks-humimin e eshtrave të personit të vdekur , paguhet çmimi që e cakton Ndërrmarrja komunale .

Neni 25

Kuvendi komunal me vendim të posaçëm , mund të vendosë që eshtrat e të vdekurve të varrosur në varreza , të zhvarrosen dhe të vendosen në një vend tjetër , për qëllime në interes të komunës apo për shkak të ndryshimeve në Planin urbanistik .

4. Rregullimi dhe mirëmbajtja e varrezave

Neni 26

Varrezat rregullohen dhe mirëmbahen sipas zakoneve të komunitetit fetar të atij lokaliteti – vendbanimi që ka të bëjë me respektin dhe nderimet ndaj të vdekurve .

Në pamje , me shenja , simbole dhe mbishkrime në përmendore dhe pllaka përkujtimore , nuk duhet të ofendohen ndjenjat patriotike , fetare apo nacionale të komuniteteve tjera .

Neni 27

Ndërtimi , renovimi , ngritja apo heqja e përmendorës apo pllakës përkujtimore pranë varrit , duhet të bëhet me lejën e organit kompetent (Ndërrmarrjës komunale) sipas normave dhe standardeve .

Neni 28

Me mirëmbajtje të varrezave nënkuptojmë :

- ndërtimi dhe mirëmbajtja e varrezave , përmendoreve , pllakave etj.
- mirëmbajtja e gjelbrimit
- mirëmbajtja e rrethojës së varrezave , rrugëve pranë varrezave , infrastrukturës (rryma , uji , kanalizimi , ndriçimi etj) .
- mbajtja e pastërtisë dhe të tjera

Neni 29

Rregullimin dhe mirëmbajtjen e varrezave e kryen Ndërrmarrja komunale gjegjësisht komuniteti fetar (nëpër fshatra) .

Neni 30

Në varreza mund të kryhen edhe punë ndërtimore , por me lejën e Ndërrmarrjës komunale apo komunitetit nëpër fshatra .

Neni 31

Në varreza mund të vendosen lule dhe kunora lulesh .
Kur këto të thahen , Ndërrmarrja komunale është e obliguar që t'i heq ato .

Neni 32

Ndërrmarrja komunale apo komuniteti nëpër fshatra është i obliguar që t'i mbrojnë varrezat nga dëmtimi , rrëzuarja apo shkatërrimi i tyre .

Neni 33

Disa varre mund të shpallen si monumente kulturore me vendim të posaçëm dhe janë nën mbrojtje të Ministrisë së Kulturës .

Neni 34

Evidencën për varreza , varrime , objekte përkujtimore dhe varrosjën e personave të vdekur e mban Ndërrmarrja komunale .

5. Puna në varreza

Neni 35

Vizitorët e varrezave janë të obliguar që në varreza të sillen në mënyrë të sjellshme në shenjë nderimi dhe respekti ndaj të vdekurve .

Neni 36

Fëmijët nën moshën 10 vjeçare kanë të drejtë të marrin pjesë (vizitojnë) varrezat vetëm në përcjellje të personave të moshuar .

Neni 37

Ndërrmarrja komunale vendosë orarin se kur mund të vizitohen varrezat .
Poashtu mund të merr vendim për ndërprerjen e përkohshme të vizitave .

Neni 38

Në varreza është e ndaluar :

- të shkelën, të njollosën apo shkatërrohen varrezat
- të shkatërrohen apo dëmtohen përmendoret , pllakat apo objektet tjera
- të prishet qetësia në varreza
- të kërcëhen varret , thyhet rethoja , të shkilet gjelbrimi , dëmtohen pemët , lulet etj.
- të futen shtazët brenda
- të vendoset apo futet në varreza ushqimi dhe pijet e ndryshme , përveq kur lejohet me ritet fetare
- të vendosen flamujt apo shenja tjera shtetërore
- të krijohet papastërti dhe mbeturina të ndryshme
- të hyhet në morg pa lejën e Ndërrmarrjës komunale gjegj. komunitetit të fshatit
- të mbillet pemë apo lule pa lejën e Ndërrmarrjës komunale -komunitetit
- të kërkohet lëmoshë

Neni 40

Ndërrmarrja komunale apo komuniteti nëpër fshatra harton orarin , rendin dhe rregullat për hyrje dhe aktivitete tjera në varreza .

Ndërrmarrja komunale -komuniteti nëpër fshatra janë të obliguara që këto rregulla mbi rendin , orarin dhe aktivitetet tjera , t'i shkruajnë dhe vendosin në hyrje të varrezave në një vend të dukshëm për të gjithë vizitorët .

IV . MJETET PËR PUNË

Neni 41

Ndërrmarrja komunale apo komuniteti nëpër fshatra , mjetet i sigurojnë prej shërbimeve të varrimit nga qytetarët .

Mjetet për rregullimin dhe mirëmbajtjen e varrezave të qytetit , sigurohen nga shërbimet komunale të varrimit që paguajnë qytetarët dhe nga buxheti komunal .

Mjetet për rregullimin dhe mirëmbajtjen e varrezave përkujtimore i siguron Kuvendi komunal .

Çmimin e tarifës për varrime , shërbime komunale dhe aktivitete tjera , e bën Ndërrmarrja komunale .

V. MBIKQYRJA

Neni 42

Mbikqyrjen për mbarëvajtjen e punëve sipas kësaj Rregullore e bën Kuvendi komunal dhe Inspekcioni sanitar .

Neni 43

Kuvendi komunal gjegjësisht Inspekcioni sanitar janë të obliguar që të marrin këto masa :

- që varrimi i kufomave të bëhet sipas normave sanitare dhe sipas kësaj Rregulloreje
- që të përcjellin realizimin e planit për rregullimin dhe mirëmbajtjen e varrezave dhe japin urdhëra për kryerje të detyrave
- që të urdhërojnë kryerjen e punëve të caktuara mbi rregullimin dhe mirëmbajtjen e varrezave
- që të ndalohet përkohsisht varrimi i kufomave, për arsye sanitare
- që të urdhërojnë përkohsisht varrimin në një pjesë të caktuar të varrezave
- që të ndërprejnë punën , të heqin pllakën perkujtimore apo ndonjë objekt tjetër ose të urdhërojnë që kjo të bëhet sipas normave dhe rregullave

Neni 45

Çdo gjë që nuk është parashihur kjo Rregullore , mund të rregullohet me akte normative që i vendosë Nderrmarrja komunale .

Kjo Rregullore u aprovua nga Kuvendi komunal më dt . 22.03.2005



KRYETARI

Skënder Zogaj